

古
易
匯
詮

註

體先訂

聚辭

夫子六十四卦大衆自釋伏幾一

夫子所自取文

王周公所未嘗有故與卦爻之辭絕不相同六十四卦皆著一以字

以者所以體易而用之也仰一以字示萬世學者用易之方不可不

察也贊謂周氏

天行健君子以自強不息

天乾卦之象也凡重卦皆取重義此獨不然者天一而已但言天行則見

其一日一周而明日又一周若重複之象非至健不能也君子法之不以

人欲害其天德之剛則自強而不息矣本義

無息天也
不息人也

一晝一夜。天行九十餘萬里。自強體乾。不息體重乾。

不息則天。有息則人。天人之分。係於一息。此處陽氏

地勢坤。君子以厚德載物。

天以氣運。故曰行。地以形載。故曰勢。小舟李氏

高而華嶽。卑而河海。蓊而萬物。地无不持載。地之載物以形。君子載物以德。

雲雷屯。君子以經綸。

雲雷交作。雜亂晦冥屯之象也。其在天下。則爲大綱未張。萬目未舉。正君子有爲之時。故經以引之。正其規模。隨綸以理之。成其條緒。

山下出泉。蒙。君子以果行育德。

山下出泉。其一未散。其勢未達。觀其勢之未達。則果行。觀其一之未散。則

育德。廣平游氏。

果其行。如水之必行。育其德。如水之有本。西山真氏。

雲上於天。需。君子以飲食宴樂。

雲上於天。其雨可俟。飲食宴樂。優游厭飫之象。宴謂安而不擾。樂謂恬而無悶。

天與水違行。訟。君子以作事謀始。

天上下。水下。其行相違。作事謀始。訟端絕矣。本義。

地中有水。師。君子以容民畜衆。

師。衆衆也。地中有水。猶國之有衆。民猶水也。無以容之。則決。無以畜之。則

散。故制之山里樹畜。以養其生。教之孝悌忠信。以養其性。無事而任土以居。有事則列伍以出。

地上有水比。先王以建萬國。親諸侯。

于師得古人非田之法。于比得古人封建之法。臨山李氏

風行天上小畜。君子以懿文德。

風行天上。掃蕩陰翳。披拂雲霞。有懿文德之象。

上天下澤履。君子以辨上下。定民志。

禮非強世。故天運于上。澤說于下。志無涯而分有定也。

天地交泰。后以財成。天地之道。輔相天地之宜。以左右民。

天地交而萬物通。財用交則民不窮。財者天地之美利。而交通之物也。

象取交通之義。財本交通之物。所謂懋遷有無化居。交易而各得其所。通因通用也。否之儉德辟難。不可榮以祿。所謂天地閉。賢人隱。塞因塞用也。夫天時地利。各有所宜。交通本天地自然之道。人之成之。不過奉若而已。故謂輔相天地之宜則可。謂裁成天地之道則不可。

天地不交否。君子以儉德辟難。不可榮以祿。

括囊无咎。避世无悶。

天與火同人。君子以類族辨物。

有不同而後有同。无不同則无同。所謂審異而致同也。

火在天上大有。君子以遏惡揚善。順天休命。

清明者升。濁暗者降。天之命也。

同人離在下。故止于類而辨。大有離在上。故極于過而揚。漢書傳氏

地中有山。謙。君子以裒多益寡。稱物平施。

以卑道高。謙之象也。本義

損欲歸道。抑氣歸道。

雷出地奮。豫。先王以作樂崇德。殷薦之上帝。以配祖考。

雷出地奮。所以鼓發鬱積。先王作樂。所以宣暢和心。殷薦之上帝。取雷之
無而上。祖考。人之所自出也。

雷所以發揚化功。而鼓天地之和。樂所以發揚功德。而召神人之和也。

雷澤納氏

澤中有雷。隨。君子以嚮晦入宴息。

晦者冥也。雷者陽氣。春夏用事。今在澤中。秋冬時也。君子象之。日出觀事。其將晦冥。退入宴寢而休息也。程氏

山下有風。巽。君子以振民育德。

巽之時。民德敗矣。振作其偷惰之習。所以培植其材德也。共此一風。以之吹枯振落。卽以之發榮長養。

澤上有地。臨。君子以教思無窮。容保民無疆。

教思體澤。容保體坤。

不徒曰教而曰教思。其意思如兌澤之深。不徒曰保而曰容保。其度量如

坤土之大。雲龍所民

風行地上。觀。先王以省方。觀民設教。

省方以觀民。設教以爲觀。本義

雷電噬嗑。先王以明罰勅法。

雷電中間。疑脫一字。電光所出。有物犯之者。雷必擊。法之所禁。有人犯之者。罰必加。

噬嗑資豐旅。四卦論用刑。皆離火之用。以是見用法貴乎明噬嗑。以火雷雷火。交互爲體。用法貴乎威明。並濟。資旅以山火火山。交互爲體。用法貴乎明慎。並用。敬軒邵氏

山下有火。資。君子以明庶政。无敢折獄。

折獄貴乎情實。文飾則沒其情矣。

言刻覈者曰深文。言鍛鍊者曰文致。注曰文網。辨法曰辨文。治獄之多矣。

未有不起于文者。何氏說子

山附於地。剝上以厚下安宅。

厚下。坤象。安宅。艮象。是推邦本。本固邦寧。

雷在地中。復。先王以至日閉關。商旅不行。后不省方。

安靜以養微陽也。月令是月齊戒掩身以待陰陽之所定。本義

天下雷行。物與无妄。先王以茂對時育萬物。

物與。猶言物類也。以爲取與之與者非。

天在山中大畜。君子以多識前言往行。以畜其德。

天在山中。以氣言也。山惟畜得天氣厚盛。故生物不測。君子惟畜得前言

往行多。故時應不惑。

老誠前言
往行以畜
其德而自
言往行皆
爲浸漬培

植根入之
川矣

山下有雷。頤。君子以慎言語。節飲食。

言語從內出。慎體震之內藏。飲食自外入。節體艮之外止。

澤滅木。大過。君子以獨立不懼。遯世无悶。

獨立不懼。與木象遯世无悶。兌說象。

水洊至。習坎。君子以常德行。習教事。

德行以常而成。事必習而後熟。

明兩作。離。大人以繼明照于四方。

繼明者无時不明也。照于四方者无處不照也。惟其无時不明。所以无處

不照。是之謂明明德于天下也。 虞泉隱氏

山上有澤。咸。君子以虛受人。

山上有澤以虛而通也。本義

雷風恆。君子以立不易方。

雷則必風。風隨雷者恆也。風不必雷。故風加雷則爲益。

說此象者。用烈風雷雨弗迷。說旋象者。用迅雷風烈必變。皆非也。雷風者。天地之變而不失其常也。立不易方者。君子之歷萬變而不失其常也。游雷者。天地震動之氣也。恐懼修省者。君子震動之心也。解中

天下有山。遯。君子以遠小人。不惡而嚴。

嚴者。君子自守之常。非以遠小人也。而小人自不能近。則不期遠而遠矣。雷在天上。大壯。君子以非禮弗履。

自勝者強。本義

明出地上。晉。君子以自昭明德。

明德。性之德也。自昭者。勿使物欲得而障蔽之也。

明入地中。明夷。君子以莅衆。用晦而明。

明以自昭。晦以莅衆。德之所以常明。

風自火出。家人。君子以言有物。而行有恆。

身脩而後家齊。

上火下澤。睽。君子以同而異。

同體兌說。異取離明。不倂倂以立異。不詭隨以爲同。

山上有水。蹇。君子以反身脩德。

水行不得其地。故象蹇。君子行有不得。反求諸己而已。反身體良。脩德體

坎

雷雨作解君子以赦過宥罪

雷者天之威雨者天之澤威中有澤猶刑獄之有赦宥也趙氏汝德

山下有澤損君子以懲忿窒欲

體兌說以惡忿體艮止以窒欲

風雷益君子以見善則遷有過則改

風之入也最微故片善不遺纖過必剔雷之之發也最迅故惡无留念改

无停機陳氏庸

雷者動陽氣者也故人心奮發而勇於善者如之風者散陰氣者也故人

心蕩滌以消其惡者如之贊中

澤上於天。夫君子以施祿及下。居德則忌。

澤欲其下究

天下有風。姤。后以施命誥四方。

君在上。民在下。猶天與物。其形不相及也。天之撓物以風。后之飭民以誥。

澤上於地。萃。君子以除戎器。戒不虞。

聚而无防。則衆生心。王氏補訓

地中生木。升。君子以順德。積小以高大。

木生於地。由小而大。由卑而高。以順而積也。順德。坤地象。積小以高大。巽

木象。

澤无水。困。君子以致命遂志。

不能致命。則无以遂志。思得思失之心。生而進。禮退義之志惑也。故不知命。無以爲君子。

木上有水。井。君子以勞民勸相。

木上有水。津潤上行。井之象也。勞民體坎。勸相體巽。

澤中有火。革。君子以治歷明時。

氣朔不差。寒暑不忒。在上者得以敬天而動民。在下者得以因時而趨事。

木上有火。鼎。君子以正位凝命。

木上有火。非鼎也。鼎之川也。猶之木上有水。非井也。井之功也。辛氏先益
正位法鼎形之象。凝命取水火之相生。

海雷震。君子以恐懼脩省。

恐懼象震。脩省象海震。

兼山艮。君子以思不出其位。

兩山竝立。不相往來。各止其所之象。

山上有木漸。君子以居賢德善俗。

居德象艮之止。不漸豈能遽止。善俗象巽之入。不漸豈能遽入。

雷案胡氏

澤上有雷歸妹。君子以永終知敝。

永終知敝。言遠慮其終而知有敝也。氓之詩。不思其反。所以終見棄於人。

與。敬齋吳氏

雷屯皆至。豐。君子以折獄致刑。

獄明于內。施法于外者。覆也。決定于內。明之于外者。噬嗑也。

山上有火。旅。君子以明慎。用刑。而不留獄。

明如火。慎如山。不留如旅。

隨風巽。君子以申命行事。

丁寧告成。

麗澤兌。君子以朋友講習。

義理以講習而明。德性以相觀而善。講取兌口之象。習取兌澤之義。

風行水上。渙。先王以享于帝。立廟。

風拂而水動。風過而水无痕。誠至而神格。誠我則帝不享。

澤上有水。節。君子以制數度。議德行。

數度所以爲節。德行欲其中節。

澤上有風。中孚。君子以議獄緩死。

風之入物也。不獨平地草木爲之披拂。巖谷竅穴爲之吹吁。卽積水重陰之下。亦因之而凍解冰釋焉。此所以爲至誠无所不入之象也。民之有獄。猶地之有重陰也。王者體察天下之情隱。至于議獄緩死。然後其至誠无所不入矣。新中

好生治民。舜之中孚也。不犯有司。天下之中孚也。誠西紀氏

山上有雷。小過。君子以行過乎恭。喪過乎哀。用過乎儉。

雷出地。則聲方發達而大。及至山上。則聲漸收斂而微。故有平地風雷大作。而高山之上不覺者。此小過之義也。新中

非以行喪用爲小事。蓋以過于恭哀儉爲小過耳。

水在火上。既濟。君子以思患而豫防之。

有備而後无患。

火在水上。未濟。君子以慎辨物居方。

火水異性。各居其所。方以類聚。物以羣分。

匯詮

劉文龍體先訂

大傳

天尊地卑。乾坤定矣。卑高以陳。貴賤位矣。動靜有常。剛柔斷矣。方以類聚。物以羣分。吉凶生矣。在天成象。在地成形。變化見矣。

此兩問一定不易之理。爻者效此象。效像此。

是故剛柔相摩。八卦相盪。

自奇偶看。則爲剛柔相摩。分兩體觀。則爲八卦相盪。

鼓之以雷霆。潤之以風雨。日月運行。一寒一暑。

此兩問變化可見之象。

左起震而次以離。彼之以常道也。右起巽而次以坎。潤之以風雨也。離爲

日。坎爲月。艮山在西北嚴凝之方爲寒。兌澤在東南溫熱之方爲暑。邵子

曰。日爲暑。月爲寒。京廬與氏

乾道成男。坤道成女。乾知大始。坤作成物。乾以易知。坤以

簡能。

男女以體言。始成以用言。易簡以德言。傳中凡言乾坤。皆指奇偶二氣。

易則易知。簡則易從。易知則有親。易從則有功。有親則可

久。有功則可大。可久則賢人之德。可大則賢人之業。易簡

而天下之理得矣。天下之理得。而成位乎其中矣。

人之所知。如乾之易。則所知皆性分所固有。無一毫人欲之私深。豈不易

宜從陽剛
統御本作
坤化成物

右一在乾
卦圖也

知人之所能。如坤之簡。則所能皆職分之當爲。無一毫人欲之紛擾。豈不
易從。易知則不遠人以爲道。故有親。易從則夫婦皆可與能。故有功。有親
則有人。傳繼其心。千百世上下。心同理同也。故可久。有功則有人。擴充其
事。人能弘道。非道弘人也。故可大。可久則賢人之德。與天同其悠久矣。可
大則賢人之業。與地同其廣大矣。所以然者。則以我之易簡。與乾坤之易
簡。同原故也。夫易簡而天下之理得矣。天之所以爲天。地之所以爲地。人
之所以爲人。一易簡之理。爲盡之。所謂天下之公理也。何氏黃子
天下之理。易簡而已。天得此易理。成位乎上。地得此簡理。成位乎下。人受
天地之中以生。具易簡之理。成位乎中。與天地並爲三才。天地與人無二
理也。

聖人設卦觀象繫辭焉而明吉凶

有卦斯有象。有象斯見吉凶。辭爲觀象未明者告也。

一部易書止爲吉凶設。吉凶之來必有其故。易書未作。占筮家咸將吉凶委諸造化。以爲係于所遇而已。聖人觀象繫辭。必以人事推之。

剛柔相推而生變化。

辭本于象。象本于變化。而變化生于剛柔相推。

是故吉凶者。失得之象也。悔吝者。憂虞之象也。

虞義同煥。

變化者。進退之象也。剛柔者。晝夜之象也。

得失晝夜。已定之象。晝以進退。未定之象。

人之云爲
即天地變
化之象

前明觀象繫辭後明剛柔變化

六爻之動三極之道也

時序屬天分位屬地當否屬人吉可變凶凶可變吉此之謂易惠迪則吉從逆則凶是謂易有大極也

是故君子所居而安者易之序也所樂而玩者爻之辭也君子于凡在天者未嘗疑之以人故隨所居而咸安于凡在人者不敢疑之于天必因其時而思義

是故君子居則觀其象而玩其辭動則觀其變而玩其占是以自天祐之吉无不利

觀象玩辭窮理也觀變玩占循理也動靜无非天理故獲自天之祐

觀變玩占。是觀吾所動。合何爻象。則審其吉凶。以爲進退。非操善之謂也。
象者。言乎象者也。及者。言乎變者也。

易有實理而无實事。故謂之象。卦立而象形。易有定理而无定用。故謂之變。爻立而變者。俱氏注疏

吉凶者。言乎其失得也。悔吝者。言乎其小疵也。无咎者。善補過也。

小疵兼兩意。向于得而未得。尚有小疵則悔。向于失而未失。已有小疵則吝。俱氏注疏

无咎者。不聞吉利。求免罪愆之名。其道至大。貫乎吉凶悔吝之間。併中

是故。列貴賤者存乎位。齊小大者存乎卦。辨吉凶者存乎

位有貴賤
又隨之變

辭。憂悔吝者存乎介。震无咎者存乎悔。

卦有大小
象因其象
辭就失得
而辨吉凶
疑介所以
免統震悔
則能補過
此示人以
觀玩之法
也
有一章贊
易書也

介言得失初分之幾。悔爲天理萌動之端。吉凶者得失之已著也。而言其未失之先。則有憂悔吝之介。言其既失之後。又有震无咎之悔。無非欲人有吉而无凶。轉凶而爲吉也。姚氏鳳昌

是故。卦有大小。辭有險易。辭也者。各指其所之。

小大謂小事大事。險易謂難處易處。辭各指其所向。吉凶昭然。惟人自審所從矣。

易與天地準。故能彌綸天地之道。

易指卦言準則也。彌綸兼總緣貫之意。邵子曰。圖雖無文。天地萬物之理。盡在其中矣。

仰以觀於天文。俯以察於地理。是故知幽明之故。原始及終。故知死生之說。精氣爲物。游魂爲變。是故知鬼神之情狀。

反今從鄭
虞本作及
鬼神各有
情狀不可
分屬

幽明之故。死生之說。鬼神之情狀。本不易知。其文理始終物變。又至爲隱顯。聖人作易。理无不盡。人能以此觀察推原。其故其說其情狀。可得而知矣。

凡有形氣。則有生。外不獨言人。精魄物而不化。魂氣則無不之。氣常依精。

易中凡言鬼神中步與三才並舉故必從三才中提出說來方合仍混入三才為說者非是若無鬼神山學識淺陋耳

魂亦戀魄。魄離魄則為游魂。精離氣斯同枯朽。陽明氣盛。精隨氣升為神。陰濁氣重。魂從魄降為鬼。

天地間有等精氣凝結有形有聲的鬼神。謂之物。太史公曰。學者多言無鬼神。然言有物。又云。類有物。遇之者。是也。有一等黯然而然。隱隱默默。游移往來。似有奇異。此是游魂。非精氣所結。可謂之變而已。鬼神情狀。盡于此兩者。若如常說。非惟仍是外生。抑且情狀二字無着落。陸氏對齊與天地相似。故不違。知周乎萬物。而道濟天下。故不過。旁行而不流。樂天知命。故不憂。安土敦乎仁。故能愛。

知周道濟。與天地同事功。勿行不流。與天地同變化。樂天知命。則益無所遑於天。安土敦仁。則益無所遑於地。 陸氏集說

知即乾知
大始之知

範圍天地之化而不過。曲成萬物而不遺。通乎晝夜之道而知。故神无方而易无體。

語彌則範圍天地之化而不過。語綸則曲成萬物而不遺。語知則通乎晝夜之道而知。神无方者。變也。易无體者。化也。

即天地萬物晝夜。不過不遺而通知。便見无方无體。天地萬物晝夜。各有方體也。

一陰一陽之謂道。

不可執。不可象。

繼之者善也。

於穆不已。

成之者性也。

若有恒性。

仁者見之謂之仁。知者見之謂之知。

知之偏也。

百姓日用而不知。

蔽于物也。

故君子之道鮮矣。

渾然全體。無虧欠。無倚着。成性則氣質局焉。所以不能無偏蔽也。

顯諸仁。藏諸用。

其顯也。仁恩普著。而機緘之妙。卒未嘗形。其藏也。大用寂然。而造化之功。

終未嘗息。了凡言此。

鼓萬物而不與聖人同憂。盛德大業至矣哉。

神功不宰。德業所以盛大而莫可尚也。

富有之謂大業。日新之謂盛德。

萬物皆備。鼓運不窮。

生生之謂易。成象之謂乾。效法之謂坤。極數知來之謂占。通變之謂事。陰陽不測之謂神。

神无方。易无體。占事有方。剛柔有體。數者天下之定理。故極數可知來也。變者時勢之運會。故時至則事起也。

惟其生生。所以无體。惟其不測。所以无方。言易而以乾坤繼之。乾坤毀則

无以見易也。言神而以占事先之。占事則神之所托以顯者也。龜安邱氏

夫易廣矣大矣。以言乎遠則不禦。以言乎邇則靜而正。以言乎天地之間則備矣。

易无遠邇。邇邇因言而有。

靜而正。言卽物而理存。本義

夫乾其靜也專。其動也直。是以大生焉。夫坤其靜也翕。其動也闢。是以廣生焉。

靜專動直。易也。靜翕動闢。簡也。易故大。簡故廣。

廣大配天地。變通配四時。陰陽之義配日月。易簡之善配至德。

右一章又
說卦圖也

所謂與天地準者如此。

子曰。易其至矣乎。夫易。聖人所以崇德而廣業也。知崇禮卑。崇效天。卑法地。天地設位。而易行乎其中矣。成性存存。道義之門。

十翼皆夫子所作。不應自著子曰字。疑皆後人所加也。本義

知窮萬理之原。則乾之始萬物也。禮循萬理之則。則坤之成萬物也。道者義之體。智之所知也。義者道之用。禮之所行也。平庵項氏

天地間變化之理。卽在人性中。易不出天地外。德業不在成性外。所爲效天法地者如此。張氏直隸

天地位而易行。是天地德業之盛。知禮存而道義出。是聖人德業之盛。

張氏中庸

聖人有以見天下之賾。而擬諸其形容。象其物宜。是故謂之象。聖人有以見天下之動。而觀其會通。以行其典禮。繫辭焉以斷其吉凶。是故謂之爻。

物至紛紜。惟聖人知幾。效天。故擬之而斯肖。動有萬變。惟聖人禮卑法地。故斷之而皆準。所謂知周萬物。道濟天下者如此。

言天下之至賾。而不可惡也。言天下之至動。而不可亂也。擬之而後言。議之而後動。擬議以成其變化。

常人以慢易之心。當之。故遇賾而易惡。當動而即亂。不知一物自有一物之宜。不可惡也。一事必有一事之理。不可亂也。一言一動。吉凶悔吝繫焉。惟于至賾之中。而縷析條分。擬其宜稱。而後敢言。管底幾乎中倫矣。于至

言鳴也室
陰也應和
也

動之中而寸衡銖稱。議其失得。而後敢動。動庶幾乎寡悔矣。蓋時有變化。執則不通。必隨時擬議。斯措之成宜。

鳴鶴在陰。其子和之。我有好爵。吾與爾靡之。子曰。君子居其室。出其言善。則千里之外應之。況其邇者乎。居其室。出其言不善。則千里之外違之。況其邇者乎。言出乎身。加乎民。行發乎邇。見乎遠。言行。君子之樞機。樞機之發。榮辱之主也。言行。君子之所以動天地也。可不慎乎。

擬之而後言。議之而後動者。慎也。自此以下。共引七爻。皆以見動與言之宜審。而擬之議之。不可以已也。

同人先號咷而後笑。子曰。君子之道。或出或處。或默或語。

人同此心
心同此理

二人同心其利斷金。同心之言其臭如蘭。初六藉用白茅无咎。子曰苟錯諸地而可矣。藉之用茅何咎之有。慎之至也。夫茅之爲物薄而用可重也。慎斯術也以往其无所失矣。勞謙君子有終吉。子曰勞而不伐有功而不德厚之至也。語以其功下人者也。德言盛禮言恭謙也者致恭以存其位者也。

盡其職分所當爲終不謂有功劳之可言也是謂致恭以存其位。

勞與功在外者也。德與禮在內者也。在內者湛然冲然而天下之事功一

無所與在外者巍然赫然而吾心之性分一無所加。

亢龍有悔。子曰貴而无位高而无民賢人在下位而无輔。

尤者謙之
反也

兌爲口舌
故取慎密
言語爲象

右一章又
贊易書也

是以動而有悔也。不出戶庭无咎。子曰。亂之所生也。則言
語以爲階。君不密。則失臣。臣不密。則失身。幾事不密。則害
成。是以君子慎密而不出也。

害成謂敗事。事曰幾事。正在可成可敗之間。密則成。洩則敗。

子曰。作易者。其知盜乎。易曰。負且乘。致寇至。負也者。小人
之事也。乘也者。君子之器也。小人而乘君子之器。盜思奪
之矣。上慢下暴。盜思伐之矣。慢藏誨盜。冶容誨淫。易曰。負
且乘。致寇至。盜之招也。

慢者不慎之謂。

知幾成性。不待擬議而變化出焉者。聖人之事也。精義利用。擬議以成其

變化者。學者之功也。中孚以下七爻。舉例言之。折中

此段今從
傳義易圖
章首

天一地二天三地四天五地六天七地八天九地十天數
五地數五五位相得而各有合天數二十有五地數三十
凡天地之數五十有五此所以成變化而行鬼神也

天一至地十河圖之文天數五奇地數五偶五位上下左右中也相得五
位各得一奇一偶也有合者一六二七三八四九五十也二十五者五奇
之積三十者五偶之積五十有五總二數之積也五氣順布奇偶妙合而
道退屈伸時行物生即于斯也已

數是氣之分限節度處如年月日時有節次而无間斷非真有一二等數
在天地間也

數由奇行由偶成一故神兩故化相得有合正成變化而行鬼神處

四十有九之變動皆
 取于一是
 四十有九
 之用皆一
 之用也然
 川雖至動
 而此常靜
 也用雖至
 變而此不
 易也川雖
 至繁而此
 惟一也立
 乎四十九
 之前而實
 行于四十
 九之後超

大衍之數五十其用四十有九

大衍之數五十蓋以河圖中宮天五乘地十而得之本義

奇數極于四而五不用策數極于九而十不用故去五十而用四十九也

陽子

五十數之成成則不動故損一而為用即邵子之學所謂從動處起數也

陽子

一一為體七七為用取廣吳氏

分而為二以象兩掛一以象三

分二象天地之變化掛一象人在其中云為

揲之以四以象四時

平四十九
之上而常
實于四十
九之中非
數而數以
之成不形
而形以之
生所謂藏
諸用也人
知川之爲
川不知不
用之所以
妙其川
五歲二句
疑衍

時行物生時至事起。

歸奇於扚以象閏五歲再閏故再扚而後掛。

奇所掛之一扚所揲之餘左右揲畢則取所掛之一歸于扚位以便二變之再掛也奇扚以象氣盈朔虛合氣盈朔虛爲閏故歸奇于扚以象閏。

乾之策二百一十有六坤之策百四十有四凡三百有六十當期之日。

陽川九陰川六九四三十六六四二十四二百一十有六八共三十六也百四十有四八共一十四也。

二篇之策萬有一千五百二十當萬物之數也。

上下二篇爲卦六十有四陽爻一百九十每爻三十六策總之得六千

九百一十二策。陰爻一百九十二。每爻二十四策。總之得四千六百零八策。合三百八十四爻之策。爲萬有一千五百二十也。號物之數謂之萬。故以之當萬物之數。若以七八言。則乾之策一百六十有八。坤之策一百九十有二。合二篇之策計之。其數亦同。所以獨言此而不言彼者。占用九六。不用七八也。常期之日。象四時之行。當萬物之數。象百物之生。是故四營而成易。十有八變而成卦。

四營。謂分二。掛一。揲四。歸奇也。易謂一變。三變而成一卦。十有八變。則六十四卦。而成卦也。

八卦而小成。引而伸之。觸類而長之。天下之能事畢矣。

三才具而經卦成。則乾兌離震巽坎艮坤之名。天澤火雷風水山地之象。

健順動止陷麗入說之性情于此已備重爲六十有四亦惟以此八象八德分內外貞悔引伸觸類其蘊蘊無窮也。

顯道神德行是故可與酬酢可與祐神矣。


天道淵微得易而顯德行卑邈得易而神萬事紛紜以之泛應而曲當神功不宰以之幽贊而炳如。

子曰知變化之道者其知神之所爲乎。


兩間自然之妙用。

有一衆非
揲筮求卦
之法

河圖



洛書



此河五行
舊說於經
傳无取不
若敬齋說
爲近

河圖洛書相爲經緯。八卦九章相爲表裏。劉氏款

河圖以五生數。統五成數。而同處其方。蓋揭其全以示人。而遺其常。數之體也。洛書以五奇數。統四偶數。而各居其所。蓋主於陽以統陰。而推其變。數之用也。竹坡

一對二。三對四。而五居中。六七合一。二八九合三。四而十合五。奇偶胥對。陰陽有合。而數之體以立。體立矣。不變則數不行。故陽以三左行。陰以二右行。三其一爲三而居東。三其三爲九而居南。三其九爲二十七。而七居西。三其二十七爲八十一。而一復居北。等而上之。至于億兆。其餘數之位皆然。二其二爲四而居東南。二其四爲八而居東北。二其八爲十六。而六居西北。二其十六爲三十二。而二復居西南。上而億兆亦然。八位既列。五

折中以洛
書四隅合
中方而配
四勾股法
亦詳前

先儒有以

仍居中而數之用以通趙氏故錄

陽居四正陰居四隅左右旋轉相爲經緯造化之妙如此齊魯鮑氏

陽始北而終西一二陽尙微故居內七九陽盛而著于外也必實其中而後能著于外故五居中陰始南而終東二四陰尙微故居內六八陰盛而著于外也必堅乎外而後能實其內故十居中自中而外陽之生長自外而中陰之收藏觀于草木之枝葉果實亦可見矣又曰陰陽皆自內始生窮外而盡觀四時之寒暑相推萬物之榮枯生歟可見河圖生數始于內成數終于外先天圖圓震一陽至乾三陽巽一陰至坤三陰皆自內而外內者爲主而漸長外者爲客而漸消此法象之不可易者也歐陽與氏

一二三四五六七八九十數也東西南北中位也位止于五數極于十洛

五行爲說
者則一六
爲水二七
爲火三八
爲木四九
爲金五十
爲土河圖
左旋以相
生洛書右
轉而相剋

書不用十者。以體言。則始于一。終于十。而數之體始全。以用言。則始于一。終于九。而數之用已周。十百千萬。皆一也。此亦可見乾元用九无首之理。地道无成有終之義。

大衍之數五十。中數也。去一。一也。分二。二也。掛一。三也。揲四。四也。因一二三四。而生六七八九。

一二三四。以五乘之。爲六七八九。以十除之。爲九八七六。數用二三。不用一四。爻用九六。不用七八。

式 著 揲

奇 扌	上 五 四 三 二 初	虛 一
分 左	掛 一	分 右

一 二 三 四 五 六 七 八 九

虛一象大極無
 爲分二象天地
 設位掛一象人
 爲參贊揲四象
 四時運行奇扌
 象氣盈則虛天
 地變化日物生
 焉君子經綸萬
 事起焉

策以占事

事在人為

謂二變三

變可以不

掛者不知

法象之意

故也

接抄當作

仍傳寫誤

耳

牀面界畫為井字。下一層設一橫木格。刻九四。中一層

木格刻三四。上一層之中間設黃漆版一分六位。用書

過揲所得之數。九六七八兩手握著五十莖。命筮畢。以右

手取一策。反于積中。置上層之右方。大極元為次以左右

手。分四十九策為二。置中層之兩旁。天地旋以右手。于右

旁取其一策。置中層之正中。人生于地次以左手。取分左

之策。用右手四揲之。以次揲置下層之格上。天地變化仍

置上層之左方。仍再取分右之策。揲如左。初變二變

或十一仍重揲格上三然後以右手。取正中所掛之一。歸于

上層之左方。與初介為一是為第一變。再兩手取格上過

揲之策合之。四營如前。爲第二變。三變亦如之。如是三變畢。乃視格上過揲之數。或九或六。或七或八。依數書于黃黍版之初位。二位以上倣此。三變而成爻。十有八變而成卦。

卦扞懸夾指間。記六九七八以重交單拆。多少老少。末流杜撰支離。種種不經。是法一本經傳。參校衆說。川流諸家沿習之陋。庶不失潔靜精微之意。

攷春秋內外傳。無論變與不變。及變之多寡。皆論卦之體象。與其彖辭。卽一爻變者。雖占爻辭。而亦必先以卦之體象。與其彖辭爲主。惟其一卦可變爲六十四。則兩卦相參。而可以盡事物之理。故卦之有變者。意主于生

卦。不主于成爻。爻之有變者。專動則有占。雜動則無占。至內外傳。言得八者三。一曰泰之八。則不變者也。一曰貞屯悔豫。皆八。則三爻變者也。一曰艮之八。爲艮之隨。則五爻變者也。諸儒以八爲不動之爻。攷之文意。似未符協。蓋三占者。雖變數不同。然皆無專動之爻。則其爲用卦一也。卦以八成。故以八體卦。猶之爻以九六成。則以九六體爻云爾。新中

攷蒙考變占。先儒往往摘其非是。折中攷究傳說。著爲定論。于古法而爲融合己。特爲節錄。使有事占策者。得以取式。然學易所貴。居則觀其象而玩其辭。動則觀其變而玩其占。觀象玩辭。大傳有明法矣。觀變玩占。則如左氏傳中。伯康論楚滿。知莊子論先穀。子太叔論楚子之類。吉凶昭然。何假卜筮。讀易君子。所當從事。尤在此而不在彼也。

此章原在
易有聖人
之道四篇
章後今按
宜在此

子曰。夫易何爲者也。夫易開物成務。冒天下之道。如斯而
已者也。

著卦爻之爲用如此。開其所未知。成其所欲爲。

是故。聖人以通天下之志。以定天下之業。以斷天下之疑。

開物。故志由此通。成務。故業由此定。冒天下之道。故疑由此斷。

是故。蓍之德圓而神。卦之德方以知。六爻之義。易以貢。

七七四。而陰陽不測。所以通天下之志。八八方。而剛柔有體。所以定天下
之業。易效其圓。貢效其方。所以斷天下之疑。

聖人以此洗心。退藏於密。

未慮之先。事尙虛而无可迎拒。臨事之際。理有定而无可游移。

吉凶與民同患。神以知來。知以藏往。其孰能與於此哉。

聖之與民。同在大化中。卽同在吉凶中。安得不與民同患。而所以自天祐之。吉无不利者。由其神足以開物。知足以成務。于吉凶之理。昭然无所疑貳也。天下兆庶。豈克臻此哉。

古之聰明睿知。神武而不殺者夫。是以明於天之道。而察於民之故。是興神物。以前民用。聖人以此齋戒。以神明其德夫。

天道不越乎貞常。民性原具有神知。惟其由之而不知。習矣而不察。故吉凶之來。不能先見而疑貳也。聖人有憂之。緣設善斂之法。以前其用。而斷其疑。聰明睿知。是以明于天之道。而察于民之故。神武不殺。是以既興神

物以前其用。自然順之者吉。違之者凶也。洗心竊密。齊也。與民同患。戚也。知來藏往。方圓並用。神明也。

是故。闔戶謂之坤。闢戶謂之乾。一闔一闢謂之變。往來不窮之謂通。見乃謂之象。形乃謂之器。制而用之謂之法。利川出入。民咸用之謂之神。

闔闢指善策之一合一分言。象謂三變成爻而七八九六見器謂六畫成卦而剛柔動靜形。所謂善之德圓而神者如此。

是故。易有大極。是生兩儀。兩儀生四象。四象生八卦。八卦定吉凶。吉凶生大業。

離象數以

變易之中。有不易之理。象數則理之所托以顯者也。惟有不變者。以立乎

諱易是猶
外倫常以
諱道也

今依荀悅
漢紀立下
增象字

其極故兩儀四象八卦可以細分吉凶可以前定也吉凶定則民不疑而
知所從事矣所謂卦之德方以知者如此


是故法象莫大乎天地變通莫大乎四時縣象著明莫大
乎日月崇高莫大乎富貴備物致用立象成器以爲天下
利莫大乎聖人探賾索隱鈎深致遠以定天下之吉凶成
天下之亹亹者莫大乎蓍龜

上三言以易之在造化者言也下三言以易之在人事者言也天地有自
然之法象非崇高富貴位與天地並何以修道而立教四時有自然之變
通非聖人作易變通盡利何以神化而宜民日月之明勿燭幽遐非易之
示人本隱之顯何以開物而成務是三者各有合也


右一各著
善卦之理

是故。天生神物。聖人則之。天地變化。聖人效之。天垂象。見
吉凶。聖人象之。河出圖。洛出書。聖人則之。


則神物以生。蓍效變化而四營。象垂象以立象。則圖書而布卦。



易者。一陰一陽之謂。太極
者。陽極於南。陰極於北。兩
儀之所由以判也。蓋惟變
易之中。有不易之理。所以
分而爲二。爲四。爲八。皆有
條而不紊。以一說言。寒往
暑來。暑往寒來者。易也。寒
極於冬至。暑極於夏至者。
大極也。然不特二至爲然
也。分而二之爲寒暑。分而



四之則爲四時。分而八之。
 則爲八節。以至二十四氣。
 七十二候。愈分則愈小。愈
 析則愈繁。沉思細觀。細入
 無倫。陰陽變化。未嘗或住。
 皆有不易者。以立乎其恆。
 是以雖至變。而不失其常。
 也。倘其參差不齊。盈縮無
 準。則四時無從而定。萬物
 無由而生。事業無由而成。



又何以爲道乎。

生於子者。盡於午。生於午

者。盡於子。其數有極。陽極

則陰生。陰極則陽生。其用

無窮。

此象簡在
其知神之
所爲乎下
今按宜在
此

易有聖人之道四焉。以言者尙其辭。以動者尙其變。以制
器者尙其象。以下筮者尙其占。

言必有象。言中倫。動必因時。動有則。神化宜民。无妄作。配義與道。定吉凶。
是以君子將有爲也。將有行也。問焉而以言。其受命也如
禰。无有遠近幽深。遂知來物。非天下之至精。其孰能與於
此。

聖人明言无有遠近幽深。可知筮短龜長。杜氏說誤。

參伍以變。錯綜其數。通其變。遂成天地之文。極其數。遂定
天下之象。非天下之至變。其孰能與於此。

參謂不齊
伍則列

變必參而伍之。不一變而遂已也。數則錯而綜之。既盡神而順理也。剛柔

雖不齊而
列比以觀
曰參伍
分二錯而
揲四綜也
錯遺神綜
順理

右續目後
四章

交錯而文成。剛柔有體而象定。

易无思也。无爲也。寂然不動。感而遂通天下之故。非天下之至神。其孰能與於此。

雖其不貳。所以不測。

夫易。聖人之所以極深而研幾也。唯深也。故能通天下之志。唯幾也。故能成天下之務。唯神也。故不疾而速。不行而至。

窮至精之理爲極深。察至變之故爲研幾。窮理既精。則天下同此心。卽同此理。察變既密。則動作无先時。亦无後時。神无彼此。无先後。

子曰。易有聖人之道四焉者。此之謂也。

易有四象。所以示也。繫辭焉。所以告也。定之以吉凶。所以斷也。

四象者。天時地位。人事物情也。象之所示者深。人之能觀者鮮。故聖人因象繫辭。因辭定斷。總欲人之得其意而已。

易曰。自天祐之。吉无不利。子曰。祐者。助也。天之所助者。順也。人之所助者。信也。履信思乎順。又以尚賢也。是以自天祐之。吉无不利也。

此隨舉一爻明之。以例其餘也。吉无不利。斷也。自天祐之。辭也。履信思順。尚賢者。象也。中虛爲信。爻柔爲順。承剛爲尚賢。有是象。然後有是辭。有是辭。然後有是斷。是故。不得其象。則玩其辭以求象。不驗其斷。則玩其辭以

此就尙辭
處翻進一
層直探無
言之始

審斷。

子曰。書不盡言。言不盡意。然則聖人之意。其不可見乎。

履信思順。尚賢之象。卦未言也。惟言自天祐之。吉无不利。是言不盡意也。書以筆授。言以口傳。意在心得。

子曰。聖人立象以盡意。設卦以盡情偽。繫辭焉以盡其言。變而通之以盡利。鼓之舞之以盡神。

辭之所言有盡。象之所蘊无穷。辭不足以盡意。故此句獨着一其字。周子所謂聖人之蘊。因卦以發也。

鼓聲一耳。而輕重疾徐閒。遂成無數之音。舞容亦一耳。而俯仰欹側閒。遂成無數之態。故曰神也。

乾坤其易之緼邪。乾坤成列而易立乎其中矣。乾坤毀則无以見易。易不可見則乾坤或幾乎息矣。

乾坤象也。易意也。易无體。剛柔有體。然非假有體之象而无體之易。不可得而見。易不可見則象爲虛器。而无復變化流行之妙。故道非器不顯。器非道不神。

是故形而上者謂之道。形而下者謂之器。化而裁之謂之變。推而行之謂之通。舉而措之天下之民謂之事業。

道卽理也。剛柔器也。形而上无象也。无象則何言之有。象立則器成。而變通事業皆由此出。辭自不可以已也。化而裁之分陰分陽。推而行之。迭用柔剛。

衆人趨下而不見上。賢人趨上而不見下。聖人通乎上下。一以貫之。

是故夫象。聖人有以見天下之賾。而擬諸其形容。象其物宜。是故謂之象。聖人有以見天下之動。而觀其會通。以行其典禮。繫辭焉。以斷其吉凶。是故謂之爻。

爻有等。故曰物。形容是儀而非形。物宜是義而非物。象。器象。爻。事象。无則无言。有象斯有辭。自乾坤至此。皆申立象以盡意。从无象无言。推至有象有言也。

極天下之賾者存乎卦。

設卦以盡情偽。

鼓天下之動者存乎辭。

繫辭以盡其言。

有以見天下之賾。故能極天下之賾。有以見天下之動。故能鼓天下之動。化而裁之存乎變。推而行之存乎通。

變而通之以盡利。

神而明之存乎其人。

鼓之舞之以盡神。

默而成之。不言而信。存乎德行。

辭不盡言。言不盡意。

四時行。百物生。天何言哉。此山有象有言。而歸于忘言忘象也。

右尚辭。

八卦成列。象在其中矣。

健順動止。險明巽說。

因而重之。爻在其中矣。

分陰分陽。迭用柔剛。

剛柔相推。變在其中矣。

往來不定。上下无常。

繫辭焉而命之。動在其中矣。

因象繫辭。以著失得。

吉凶悔吝者。生乎動者也。剛柔者。立本者也。變通者。趨時者也。

吉凶悔吝。未有无因而自至者。爻有定體。時无定用。

吉凶者。貞勝者也。

惠吉逆凶。正也。其有反是。非正也。正者常。非正者不過偶爾。故君子居易以俟命。小人行險以僥倖。

天地之道。貞觀者也。日月之道。貞明者也。天下之動。貞夫一者也。

法象莫大乎天地。著明莫大乎日月。大則天地日月。小而萬事萬物。貞乃爲常理。无二致。易有大極。此之謂也。

夫乾。確然示人易矣。夫坤。隤然示人簡矣。爻也者。效此者也。象也者。像此者也。

天地有自然之法象。剛柔奇偶。遵假之以著此理也。

爻動乎內。吉凶見乎外。功業見乎變。聖人之情見乎辭。

或剛或柔。時有所宜。不能盡善。所以動而有吉凶之別。是在識時知變。功業乃可得而成就也。辭鼓天下之動。而貞以立本。變以適時。聖人之情盡于是矣。

右尚變。

天地之大德曰生。聖人之大寶曰位。何以守位曰仁。何以
衆人曰財。理財正辭。禁民爲非曰義。

有其德。無其位。則亦不能輔相天地。而遂人物之生。故位爲聖人之大寶。

草廬吳氏

聖人之仁。仰天地之生。財以養生。義以行仁。

古者包犧氏之王天下也。仰則觀象於天。俯則觀法於地。

日月星辰。春夏秋冬。夏有常度。山川河嶽。西北東南有常方。

觀鳥獸之文。與地之宜。

希革秣醴有常候。百穀艸木有常宜。

近取諸身。遠取諸物。

耳目手足有常用。飛潛動植有常性。

於是始作八卦。以通神明之德。以類萬物之情。

同道竝行。類聚羣分。

作結繩而爲罔罟。以佃以漁。蓋取諸離。

古者禽獸多。而人民少。故伏羲氏爲之網罟。以佃以漁。非徒使民皆知鮮食之利。抑亦去其害。而安其居也。南軒張氏

包犧氏沒。神農氏作。斲木爲耜。揉木爲耒。耒耨之利。以教天下。蓋取諸益。

炎帝時。民厭鮮食。而食草木之實。於是始爲耒耨。以教天下。故曰神農耨耘除草也。同上朱氏

禽獸繁殖，草木暢茂，皆足爲害。網罟耒耜之作，興一利，卽以去一害也。

日中爲市，致天下之民，聚天下之貨，交易而退，各得其所，蓋取諸噬嗑。

然還有無通工易事，變通盡利，兆于此矣。

神農氏沒，黃帝堯舜氏作，通其變，使民不倦，神而化之，使民宜之。易窮則變，變則通，通則久，是以自天祐之，吉無不利。黃帝堯舜垂衣裳而天下治，蓋取諸乾坤。

由通工易事，而君臣之義從此起矣。穰農佃漁耕耨，未免猶以躬親。至三聖被衣垂裳，則任人之功大矣。故或勞心，或勞力者，亦猶是以所有易所無而各得其所也。君盡君道，臣盡臣道者，亦猶是衣在上，裳在下之不可

顛倒也。

剡木爲舟。剡木爲楫。舟楫之利。以濟不通。蓋取諸渙。服牛乘馬。引重致遠。以利天下。蓋取諸隨。

水陸並通。物利日溥。

重門繫柝。以待暴客。蓋取諸豫。斷木爲杵。掘地爲臼。臼杵之利。萬民以濟。蓋取諸小過。剡木爲弧。剡木爲矢。弧矢之利。以威天下。蓋取諸睽。

此三者。又由網罟來。而推通之。

上古穴居而野處。後世聖人。易之以宮室。上棟下宇。以待風雨。蓋取諸大壯。古之葬者。厚衣之以薪。葬之中野。不封。

不樹。喪期無數。後世聖人。易之以棺槨。蓋取諸大過。上古
結繩而治。後世聖人。易之以書契。百官以治。萬民以察。蓋
取諸夬。

重門棟宇。所以安居。白柩棺槨。所以養生。這从書契弓矢。因交易日廣而
防賊。

是故。易者。象也。象也者。像也。

知類旁通。其用不窮。

右尚象。

彖者。材也。爻也者。效天下之動者也。是故吉凶生而悔吝著也。

吉凶悔吝生乎動。彖以材斷一卦之吉凶悔吝。爻以效呈一爻之吉凶悔吝。

陽卦多陰。陰卦多陽。其故何也。陽卦奇。陰卦耦。其德行何也。陽一君而二民。君子之道也。陰二君而一民。小人之道也。

一陽爲奇。二陽爲耦。陽爲君。陰爲民。陰卦仍主陽言。陰无用。資陽以爲用也。一民二君。一人二心。主極不立。亂之本也。

易曰。憧憧往來。朋從爾思。子曰。天下何思何慮。天下同歸。

而殊塗。一致而百慮。天下何思何慮。日往則月來。月往則日來。日月相推而明生焉。寒往則暑來。暑往則寒來。寒暑相推而歲成焉。往者屈也。來者信也。屈信相感而利生焉。尺蠖之屈。以求信也。龍蛇之蟄。以存身也。精義入神。以致用也。利用安身。以崇德也。過此以往。未之或知也。窮神知化。德之盛也。易曰。困于石。據于蒺藜。入于其宮。不見其妻。凶。子曰。非所困而困焉。名必辱。非所據而據焉。身必危。既辱且危。外期將至。妻其可得見邪。易曰。公用射隼于高墉之上。獲之无不利。子曰。隼者禽也。弓矢者器也。射之者人也。君子藏器於身。待時而動。何不利之有。動而不括。是以

出而有獲。語成器而動者也。子曰：「小人不恥不仁，不畏不義，不見利不勸，不威不懲。小懲而大誡，此小人之福也。」易曰：「履校滅趾，无咎。」此之謂也。善不積，不足以成名；惡不積，不足以滅身。小人以小善爲无益而弗爲也，以小惡爲无傷而弗去也。故惡積而不可掩，罪大而不可解。易曰：「何校滅耳。」子曰：「危者安其位者也，亡者保其存者也，亂者治者也。是故君子安而不忘危，存而不忘亡，治而不忘亂，是以身安而國家可保也。」易曰：「其亡其亡，繫于苞桑。」子曰：「德薄而位尊，知小而謀大，力小而任重，鮮不及矣。」易曰：「鼎折足，覆公餗，其形渥凶。」言不勝其任也。子曰：「知幾其神。」

乎。君子上交不諂，下交不瀆，其知幾乎？幾者，動之微，吉之先見者也。君子見幾而作，不俟終日。易曰：「介于石，不終日，貞吉。」介如石焉，寧用終日，斷可識矣。君子知微知彰，知柔知剛，萬夫之望。子曰：「顏氏之子，其殆庶幾乎？有不善未嘗不知，知之未嘗復行也。」易曰：「不遠復，无祗悔，元吉。」天地絪縕，萬物化醇；男女構精，萬物化生。易曰：「三人行，則損一人；一人行，則得其友。」言致一也。子曰：「君子安其身而後動，易其心而後語，定其交而後求。君子脩此三者，故全也。危以動，則民不與也；懼以語，則民不應也；无交而求，則民不與也；莫之與，則傷之者至矣。」易曰：「莫益之，或離之，立心勿恆。」

凶。

此雜舉數爻。以明易占之足尙。非尋常卜筮之書。但言禍福者。所可幾也。鼎四疑當在困三之下。心爲應事之本。而貞一所以端其本。于是度德而處。量力而行。待時而動。惡无小。不可以无誠。知大之必始于小也。身雖安。不可以忘危。知亡之不生于亡也。有君子知幾之神。何必履校而始誠乎。有顏氏不遠之復。又何小惡之得積乎。天地化醇。萬物化生。皆在致一。則心之不可不一明矣。安其身而後動。易其心而後語。定其交而後求。君子脩此三者。故无憊憊之擾也。爻效天下之動。而天下之動貞乎一。觀變玩占。可以知吉凶悔吝之故矣。

子曰。乾坤其易之門邪。乾。陽物也。坤。陰物也。陰陽合德。而

剛柔有體。以體天地之撰。以通神明之德。

陰陽合德者。一故神也。剛柔有體者。兩故化也。

其稱名也雜。句而不越於稽其類。句其衰世之意邪。

事變日多。消長日滋。時世至此。聖人之不得已也。

夫易彰往而察來。而微顯闡幽。

吉凶悔吝之已然一定者曰往。吉凶悔吝之將然可識者曰來。德行事爲之顯。推本其所從出則其微。神化性命雖幽。究發見于日用則至著。

開而當名辨物。正言斷辭則備矣。

彰往察來。微顯闡幽者。象也。開則遂卦逐爻。指出示人。繫辭所以盡其言也。

其稱名也小。其取類也大。其旨遠。其辭文。其言曲而中。其事肆而隱。因貳以濟民行。以明失得之報。

名小類大。故曰曲而中。旨遠辭文。故曰肆而隱。世風不古。民心不一。或以一時之小挫。遂疑正理之難常。此聖人作易。占筮之辭。必要其歸于貞勝也。

右尚占。

易之興也。其於中古乎。作易者。其有憂患乎。是故履。德之
基也。謙。德之柄也。復。德之本也。恆。德之固也。損。德之脩也。
益。德之裕也。困。德之辨也。井。德之地也。巽。德之制也。履和
而至。謙尊而光。復小而辨於物。恆雜而不厭。損先難而後
易。益長裕而不設。困窮而通。井居其所而遷。巽稱而隱。履
以和行。謙以制禮。復以自知。恆以一德。損以遠害。益以興
利。困以寡怨。井以辨義。巽以行權。

上經自乾至巽九卦。下經自恆至損益亦九卦。上經履至謙五卦。下經益
至困井亦五卦。上經謙至復又九卦。下經井至巽又九卦。上經自復而後
八卦。而爲下經之恆。下經自巽而未濟亦八卦。復爲上經之乾。上下經對

待。非偶然者。言其精長

獨舉九卦。其義未詳。或曰。九卦。言卦名也。展遷至道。不虛行言。教辭。原始
要終。至吉凶生焉。言爻辭。

易之爲書。也不可遠。

人不能遠易。故不可遠書。

爲道也。屢遷。變動不居。周流六虛。上下无常。剛柔相易。不
可爲典要。唯變所適。

位本无體。因爻始見。故稱虛也。孔氏冲虛

其出入以度。外內使知懼。

自內往外爲出。自外來內爲入。卽釋彖所言剛柔上下往來者是也。聖人

觀象繫辭。一出一入。皆相時度義。著其得失。使人知一動一靜。皆吉凶悔吝之所繫。而不敢忽易也。

又明於憂患與故。无有師保。如臨父母。

天地示以顯道。包羲示以卦象。中古聖人又爲之辭。總欲人共明夫所以當憂患之故。

愛之无所不至。慮之无所不周。故訓之无所不切也。

齊山如氏

初率其辭而揆其方。既有典常。苟非其人。道不虛行。

率。山也。揆。度也。理則有定。事來无方。非其人。則泥辭拘方。多有所不通矣。神而明之。足知變猶是常也。

易之爲書也。原始要終。以爲質也。六爻相雜。唯其時物也。

此將言六爻而六爻統于彖故先言彖乃說六爻也。不離吳氏

質與二體物別剛柔。

其初難知其上易知本末也。初辭擬之卒成之終若夫雜物撰德辨是與非則非其中爻不備。

此言觀爻觀初不若觀上之易知觀初上又必參觀中爻義乃備蓋非統會六爻无以曉了一卦之意也。

噫亦要存亡吉凶則居可知矣。知者觀其彖辭則思過半矣。

亦疑當作其存亡吉凶得失之大者彖原始要終統六爻而繫辭知者于此觀玩足盡一卦大致更以諸爻參玩則无微之不察矣。

二與四同功而異位。其善不同。二多譽。四多懼。近也。柔之爲道。不利遠者。其要无咎。其用柔中也。

二四皆用柔。而位有遠近之異。善有中正之殊。故以剛居之。則一多譽。而一多懼。以柔居之。則二遠疑于不利矣。而大概得以无咎者。以其用柔得中故也。由此推之。則以柔居四。苟非承剛。將不免過柔之失矣。

三與五同功而異位。三多凶。五多功。貴賤之等也。其柔危其剛勝邪。

三五皆用剛。五上而三下。貴賤之位殊。五中而三過。當否之善亦異。柔危剛勝。大都如此耳。爻之剛柔。物也。用之剛柔。中正德也。遠近貴賤。是非之辨也。初上非常時用事之爻。以初終之義爲重。而于此四爻。亦復皆爲商

畧不定之辭。未嘗決言之者。易不可爲典要。非可一例定也。

玩爻之法。必先詳卦義。次觀其德。其才。其功。與其所處之位。所互之象。以及承乘比。

外初終。然後辭之所告。吉凶之所以斷。可得而職也。雖一爻之中。未必能備諸義。而繫辭定斷。蓋必從其所勝焉。


易之爲書也。廣大悉備。有天道焉。有人道焉。有地道焉。兼三才而兩之。故六。六者非它也。三才之道也。

右實卦名
以及爻
示人讀易
之法

天道有陰陽。人道有仁義。地道有剛柔。皆兩也。爻者效此。故六畫而成卦。道有變動。故曰爻。爻有等。故曰物。物相雜。故曰文。文不當。故吉凶生焉。

爻效天下之動。而三才之道。以兩而變。九六不同。雜居剛柔之位。合其時
義。當也。違時作義。不當也。吉凶生焉者。无凶則吉名不立也。

九卦圖



傳敘上下篇九卦。先儒以其卦推配。上下經皆對。蓋以下篇兩卦對上篇
一卦。凡十二卦。而二篇之數適齊矣。然十二卦之中。又止取九卦者。乾成
其始也。兌其終也。略其終始而取其中間之卦。以著陰陽消息盛衰之漸。
故止于九。折中

易之興也。其當殷之末世。周之盛德邪。當文王與紂之事邪。是故其辭危。危者使平。易者使傾。

殖有禮。殺昏暴。天之道也。其辭如此。由其道本如此。殷不知危。而周獨能危。又體鯁然爲之危。於是作爲易。得并爲天下後世危。所以使人共。適乎平。而無傾覆之患者也。使平使傾。豈有使之者哉。存乎己而已。其道甚大。百物不廢。

自天地以至草木。受氣于陰陽。一也。

懼以終始。其要无咎。此之謂易之道也。

既懼其始。使人防微杜漸。又懼其終。使知持盈守成。

曲軒張氏

一部易得。其要歸于寡過而已。

易簡知險
阻即盛德
之知危懼
也
虛字上從
傳義則侯
之二字

夫乾天下之至健也。德行恆易以知險。夫坤天下之至順也。德行恆簡以知阻。能說諸心。能研諸慮。定天下之吉凶。成天下之亹亹者。

汨情利欲。馳心高渺。凡民隱怪。險阻一也。天下古今。坦平大道。惟是居仁由義。庸行庸言。知險阻則危。危故平。不知險阻則易。易斯傾。然非德行恆易恆簡。則不以爲險阻者。皆險阻也。

易簡故能說諸心。知險阻故能研諸慮。

虞翻

能研慮故能定天下之吉凶。能說心故能成天下之亹亹。

是故變化云爲。吉事有祥。

天地變化。與凡人云爲。吉事則有祥。蓋此理在宇宙之間。隨物昭著。雖夫

吉凶禍福
理本易知
人爲欲蔽
情泊自陷
險阻是以
疑貳因其
愚吉凶謀
趨避故可
卽卜策導
之正理以
濟其行蓋
與禮樂政
刑相表裏

婦之愚不肖可以與知與能也。

象事知器占事知來

理致相似故可比方而知吉凶不貳故可考驗而決。

天地設位聖人成能人謀鬼謀百姓與能

天地設位。惠逆吉凶。確乎不易。聖人成能。則多方教導。使人知所趨避。以求當乎天心。于是明謀之人。幽謀之鬼。蓋凡有血氣。吉凶之患同也。

八卦以象告爻彖以情言

象事知器占事知來。

剛柔雜居而吉凶可見矣

莊以象告。

而佐其所不及也

變動以利言吉凶以情遷

辭以情言

是故愛惡相攻而吉凶生遠近相取而悔吝生情偽相感而利害生凡易之情近而不相得則凶或害之悔且吝

方以類聚物以羣分萬物之情于此可見

將叛者其辭慙中心疑者其辭枝吉人之辭寡躁人之辭多誣善之人其辭游失其守者其辭屈

右贊文王作爲易初憂患天下後世爲德之至也

理勝故辭寡辭不若實爲游辭生于情故玩其辭可以知其人所以知易之興當文王與紂之事者以其辭危也有憂患者其辭危故曰聖人之情見乎辭也

隨詮

劉文龍體先訂

說卦

昔者聖人之作易也。幽贊於神明而生蓍。

生蓍。謂創立川渚之法。神不能言。以蓍言之。所以贊神也。命故謂之幽贊。
神明。即大衍所謂佑神也。平庵項氏

參天兩地而倚數。

法天地力圖動靜。陰陽奇偶。而定七八九六之數。

觀變於陰陽而立卦。發揮於剛柔而生爻。

立卦。始畫八卦也。生爻。重爲六十有四也。

和順於道德而理於義。窮理盡性以至於命。

本原是以
上下本末
內外精粗
一以貫之

道卽命也。德卽性也。義卽理也。和順于道德而理于義。自幽而貫。以至于顯。此所謂顯道也。窮理盡性。以至于命。自顯而言。以至于幽。此所謂神德行也。中庸項氏

昔者聖人之作易也。將以順性命之理。是以立天之道曰陰與陽。立地之道曰柔與剛。立人之道曰仁與義。兼三才而兩之。故易六畫而成卦。分陰分陽。迭用柔剛。故易六位而成章。

性命之理。合三才而皆兩。故易亦六畫而成卦。陰陽柔剛。理本自分。而更迭爲用。故易亦六位相間而成章。所謂順也。總一卦而和順。析六位而條理。

此上篇首
乾坤下篇
首咸恒終
既未濟之
象

安公石易
願云天下
之事數往
者順知來
者逆易為
知來而作
故其數逆
數也往者
順蓋因下
句而致果

天位定位山澤通氣雷風相薄水火不相射

天地乾坤之定體水火乾坤之大用山澤之氣即水之氣雷風之氣即火
之氣而水火之氣又天地之氣也見時義氏

此所謂天地設位而易行乎其中者邵子謂伏羲所定先天之學也

八卦相錯數往者順知來者逆是故易逆數也

相錯謂南北東西相為對待居殊方而氣相貫猶言四時錯行耳數往者
順猶言春夏秋冬知來者逆猶言春夏秋冬雷風雨日艮兌乾坤皆以相
待逆之

雷以動之風以散之雨以潤之日以烜之艮以止之兌以
說之乾以君之坤以藏之

之非謂易
有數往之
順數也

艮兌不言山澤。則是指氣言也。暑氣溫熱發生。故曰兌以說之。寒氣嚴凝收斂。故曰艮以止之。上傳於雷。遙風雨之下。亦曰一寒一暑。而不言山澤也。野中

先天圖。天地日月各居其方。山澤雷風。交通其氣。後天圖。坎離震兌。各司其時。乾巽艮坤。同體共氣。

帝出乎震。齊乎巽。相見乎離。致役乎坤。說言乎兌。戰乎乾。勞乎坎。成言乎艮。

萬物出乎震。震東方也。齊乎巽。巽東南也。齊也者。言萬物之潔齊也。離也者。明也。萬物皆相見。南方之卦也。聖人南面而聽天下。嚮明而治。蓋取諸此也。坤也者。地也。萬物皆

致養焉。故曰致役乎坤。兌正秋也。萬物之所說也。故曰說言乎兌。戰乎乾。乾西北之卦也。言陰陽相薄也。坎者水也。正北方之卦也。勞卦也。萬物之所歸也。故曰勞乎坎。艮東北之卦也。萬物之所成終而所成始也。故曰成言乎艮。

此卦位乃文王所定。所謂後天之學也。而子

神也者。妙萬物而爲言者也。動萬物者莫疾乎雷。撓萬物者莫疾乎風。燥萬物者莫燥乎火。說萬物者莫說乎澤。潤萬物者莫潤乎水。終萬物始萬物者莫盛乎艮。故水火相逮。雷風不相悖。山澤通氣。然後能變化。既成萬物也。

一則神。兩則化。妙萬物者一則神也。動撓燥說潤終始萬物者六子。然不

能以獨化必相逮也。不相悖也。通氣也。然後能變化。既成萬物。合則化。化

則神。讀上朱氏

乾健也。坤順也。震動也。巽入也。坎陷也。離麗也。艮止也。兌
說也。

凡陰氣凝聚。陽在內者不得出。則所聚而爲電。在外者不得入。則周旋
不合爲風。又曰。陽陷于陰爲水。附于陰爲火。正聚

艮靜震動。坎藏諸川。巽竊兌開。離顯諸仁。此以神明之德言。

乾爲馬。坤爲牛。震爲龍。巽爲雞。坎爲豕。離爲雉。艮爲狗。兌
爲羊。

健象馬。順象牛。震奮象龍。巽伏象雞。汚陷象豕。麗明象雉。內守象狗。外聚

象羊。此以萬物之情言。

凡健之類。視馬。鳴之類。視牛。各以類推。

乾爲首。坤爲腹。震爲足。巽爲股。坎爲耳。離爲目。艮爲手。兌爲口。

頭爲諸陽之會。其形直而圓。其位尊而在上。腹爲衆陰所藏。其體虛其廣。其德寬而有容。手持于下。足動于下。股下歧而伏。口上竅而見。耳外虛而善藏。目內虛而明著。此就人之一身言。

首君腹藏。天地定位。口與鼻通。山澤通氣。足動股隨。雷風相薄。耳目殊感。水火不相射。

乾。天也。故稱乎父。坤。地也。故稱乎母。震。一索而得男。故謂

之長男。巽一索而得女。故謂之長女。坎再索而得男。故謂之中男。離再索而得女。故謂之中女。艮三索而得男。故謂之少男。兌三索而得女。故謂之少女。

乾父坤母。長少男女。蓋古有是說。而此爲之疏其義也。乾曰父。坤曰母。此何以稱也。蓋乾天也。萬物資始于天。猶子之氣。始于父也。坤地也。萬物資生于地。猶子之形。生于母也。故乾稱乎父。坤稱乎母也。男女長少。何謂也。則以其卦之屬陽者爲男。屬陰者爲女。以其爻畫有先後。象乎成行之長幼也。此以人之一家言。

乾爲天。爲圓。爲君。爲父。爲玉。爲金。爲寒。爲冰。爲大赤。爲良馬。爲老馬。爲瘠馬。爲馵馬。爲木果。

健運爲天。无端爲罔。尊而統物爲君。知大始爲父。粹爲玉。精爲金。位西北爲寒。寒之凝爲冰。盛陽之色爲大赤。良老冒其德。瘠駁言其形。所謂瘠者。鋒稜瘦骨成也。生生不窮爲木果。

地爲地。爲母。爲布。爲釜。爲吝嗇。爲均。爲子母牛。爲大輿。爲文。爲衆。爲柄。其於地也爲黑。

坤順爲地。生物爲母。利川爲布。熟物致養爲釜。靜翕爲吝嗇。動闢爲均。性順爲子母牛。廣載爲大輿。晝耦爲文。晝多爲衆。物根于地爲柄。揆陰之色爲黑。

震爲雷。爲龍。爲玄黃。爲專。爲大塗。爲長子。爲決躁。爲蒼筤竹。爲萑葦。其於馬也。爲善鳴。爲馮。爲馬足。爲作足。爲的顙。其於

稼也。爲反生。其究爲健。爲蕃鮮。

一陽奮于重陰之下。爲雷爲龍。玄黃雜爲蒼。男與華同。草木吐秀也。大陰萬物由是而出也。一索得男爲長子。陽氣鬱積。出必奮迅。爲決躁。幹短葉盛。爲蒼筤竹。荊華。震主聲。爲響鳴。震足動。爲蹯足。作足的類。蒼馬之泛駕奔蹯者也。艮反爲震。象種子之萌芽而發生。乾健也。春至草木萌。始生而色鮮。

與爲木。爲風。爲長女。爲繩直。爲工。爲白。爲長。爲高。爲進退。爲不果。爲臭。其於人也。爲寡髮。爲廣顙。爲多白眼。爲近利。市三倍。其究爲躁卦。

曲直爲木。吹散陰翳爲風。一索得女爲男女。二剛夾正。一柔爲繩直。沉靜

精細爲工。風吹爲白。風行爲長。木生爲高。委曲優游而與入爲進退。不果。決躁之反也。臭。氣之總名。二陽外連爲臭。與性婉曲。无細不入。風行便疾。周旋不舍。人之伶俐工巧者也。寡髮廣顙多白眼。其人多玲瓏。故象之。近利者。凡有所爲皆利。不專指財物。市三倍。則貿易之利。爲多得財物耳。躁。風之性也。

坎爲水。爲溝瀆。爲隱伏。爲矯輳。爲弓輪。其於人也。爲加憂。爲心病。爲耳痛。爲血卦。爲赤。其於馬也。爲美脊。爲亟心。爲下首。爲薄蹄。爲曳。其於輿也。爲多眚。爲通。爲月。爲盜。其於木也。爲堅多心。

陽陷于陰爲水。水行坎中爲溝瀆。陽藏陰中爲隱伏。坎水曲折爲矯輳。弓

輪。垢穢所成也。陷險爲加憂。心病耳痛。皆憂勞之所致。血者。水之屬也。赤者。血之色也。中剛于形爲美脊。于性爲承心。上柔爲下首。下柔象蹠蹠。歷險多勞故也。曳象水之濡。與多眚者。歷險多也。心亨爲通。水之精爲月。下流隱伏行險爲盜。中剛于木爲堅多心。

離爲火。爲日。爲電。爲中女。爲甲冑。爲戈兵。其於人也。爲大腹。爲乾卦。爲鼃。爲蟹。爲蠃。爲蚌。爲龜。其於木也。爲科上槁。陽附于陰。內暗外明。爲火。日。火之精也。電。火之類也。二剛在外。象甲冑。火形精銳。象戈兵。中虛爲大腹。火日能乾物。爲乾卦。鼃。蟹。蠃。蚌。龜。介屬也。科。空也。木既空中。上必枯槁。不受水潤。火性獨存也。

艮爲山。爲徑路。爲小石。爲門闕。爲果蓏。爲闢寺。爲指。爲狗。

爲鼠。爲黔喙之屬。其於木也。爲堅多節。

形傑地上。樹靜而止。爲山。路爲徑路。石爲小石。取其在山上也。果蓏瓜蒞之類也。坤戶之上。橫互一奇。崇高爲門闕。闕寺守門之人也。能捉物爲指。黔喙。鳥喙也。狗鼠齒牙堅利。鳥喙之屬。艮外剛。故于木爲堅多節。


兌爲澤。爲少女。爲巫。爲口舌。爲毀折。爲附決。其於地也。爲剛鹵。爲妾。爲羊。

潤氣上升爲澤。卑少女。歌舞以說神人者也。兌爲口。象口舌。金氣肅殺。條枯實落。爲毀折。兌口上開。內陽充實。勢必潰決。爲附決。地剛產金。山產鹽。不生草木。年少面色好。情說而位非正。爲妾。

以性情言。八卦是備物情。以物類言。八卦卽爲八物。以一身言。八卦卽是

一身以一家言。八卦卽成一家。以言乎天地之間。而天地之間則備矣。然卦足以盡天下之物。而天下之物不可遽盡。八卦取象。又非可拘泥。故惟各就其大致。趣舉一二。使學者隨其所值。而推類旁通。以妙其用。故曰易者象也。象也者像也。謂其輾轉相肖。而不可窮也。


伏義八卦方位



匯詮說卦八

六十

文王八卦方位



造化所以爲造化者。天地水火而已矣。易卦雖有八。而實惟四。何則。風即天氣之吹。而上交于地者也。山即地形之隆。而上交于天者也。雷即火之鬱于地中。而搏擊奮發者也。澤即水之聚于地上。而布散滋潤者也。道家言天地日月。釋氏言地水火風。西人言水火土氣。可見造化之不離乎四物也。故先天以南北爲經。而天地居之。體也。以東西爲緯。而水火居之。用也。後天則以天地爲體。而居四維。以水火爲用。而居四正。以卦畫論之。震即離也。一陰附之于上。則爲震。兌即坎也。一陽附之于下。則爲兌。與即乾也。一陰行于下。則爲巽。艮即坤也。一陽互于上。則爲艮。是以六十四卦。始乾坤。中坎離。而終於既未濟。則知造化之道。天地水火盡之矣。卦中

水火一而木金土二者。水火陰陽之正。木金土陰陽之交。正者一而交者

二也。贊氏

火氣極熱。物无由而成。水氣極寒。物无由而生。惟土氣最為中和。故火金

之交有坤土。水木之交有艮土。而為萬物之所由出入者也。贊氏

先天分干大極。合日月之象。後天定以五行。合四時之象。

坎月離日

三日震入

日兌上弦

十五乾望

十六巽廿

三艮下弦

三十坤

晦卦參同

契

隄詮

劉文龍體先訂

文言

元者善之長也。亨者嘉之會也。利者義之和也。貞者事之幹也。

會際也謂條暢之際利順也和協也下同

將言君子配乾之德故先釋元亨利貞之義百行萬善固不根柢于貞盛德大業悉山之立。

君子體仁足以長人嘉會足以合禮利物足以和義貞固足以幹事君子行此四德者故曰乾元亨利貞。

勝字之義與湯武九之身字同貞保合也固謂其所本有者即大和元氣

此與春秋傳所載穆姜之言不異疑古者已有此語穆姜稱之而夫子亦

有取焉本義

也

易治也

初九曰潛龍勿用。何謂也。子曰。龍德而隱者也。不易乎世。不成乎名。遯世无悶。不見是而无悶。樂則行之。憂則違之。確乎其不可拔。潛龍也。

龍德謂乾。隱謂潛。明龍之為言。可卽以配君子之德也。兼樂行遯。時焉而已。

謹信卽是閑存

九二曰見龍在田。利見大人。何謂也。子曰。龍德而正中者也。庸言之信。庸行之謹。閑邪存其誠。善世而不伐。德博而化。易曰見龍在田。利見大人。君德也。

善世不伐德博而化惟庸故也

龍德卽乾以易知之德。非有神奇。止修此庸言庸行而已。二之字。不可以亦字代。齊制方氏

行得一句
方說一句
行得一字
方說一字
是謂脩辭
立誠
知此時到
得此處則
至之機因
解便云失
幾知此時
只可到得
此處則終
之少輕半
便是客義

龍德而正中君子之中庸也

九三曰君子終日乾乾夕惕若厲无咎何謂也子曰君子進德脩業忠信所以進德也脩辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

脩辭立其誠不敢作空言說過也凡人高視闊步總由心粗氣浮何能知幾存義惟乾乾因時而惕所以處不失時動无過悔

九四曰或躍在淵无咎何謂也子曰上下无常非爲邪也進退无恆非離羣也君子進德脩業欲及時也故无咎

乾惕因時進脩及時先後天而舉時易與聖人之道總一時字盡之

九五曰飛龍在天。利見大人。何謂也。子曰。同聲相應。同氣相求。水流涇。火就燥。雲從龍。風從虎。聖人作而萬物覩。本乎天者親上。本乎地者親下。則各從其類也。

龍陽精而居于淵。故能興雲。虎陰精而居于山。故能運風。管氏發明

上九曰亢龍有悔。何謂也。子曰。貴而无位。高而无民。賢人在下位而无輔。是以動而有悔也。

動而有悔。猶言動輒得咎。謂不動則可无悔者非也。

所以勿用利見。无咎有悔之故。斷可識矣。

潛龍勿用。下也。見龍在田。時舍也。終日乾乾。行事也。或躍在淵。自試也。飛龍在天。上治也。亢龍有悔。窮之災也。乾元

九三乾惕
全國人功
四則離人
而天所謂
幾非在我
者力不得
正顯子欲
從末由時
也

用九天下治也。

上治謂王道之盛。用九言神化宜民。此就發於事業上說。

潛龍勿用。陽氣潛藏。見龍在田。天下文明。終日乾乾。與時
偕行。或躍在淵。乾道乃革。飛龍在天。乃位乎天德。亢龍有
悔。與時偕極。乾元用九。乃見天則。

此段大概兼心學言之。天則大極也。

乾元者。始而亨者也。利貞者。性情也。

元下疑脫亨字。元亨是乾之發用。貞是乾之根抵。在乾終始皆正。言人之
始初亦本无不正。故曰利貞者。性情也。性情不離。是謂保合。

乾始能以美利利天下。不言所利。大矣哉。

不言所利者。蓋无所不利。非可指名也。故贊其利之大曰大矣哉。程傳

大哉乾乎。剛健中正。純粹精也。六爻發揮。旁通情也。

純粹精者。无迹可指。六爻發揮。旁通情也。情者。感應而動耳。

時乘六龍。以御天也。雲行雨施。天下平也。

祇是一乾所乘之位有六。所以異象各適其時。故天下平也。

君子以成德爲行。日可見之行也。潛之爲言也。隱而未見。行而未成。是以君子弗用也。

德脩于身。行在乎時。

君子學以聚之。問以辨之。寬以居之。仁以行之。易曰見龍在田。利見大人。君德也。

時見則見。

九三重剛而不中。上不在天。下不在田。故乾乾因其時而惕。雖危无咎矣。

以乾接乾故重剛位非二五故不中也。虞氏仲翔

九四重剛而不中。上不在天。下不在田。中不在人。故或之。或之者。疑之也。故无咎。

謹審時。

夫大人者。與天地合其德。與日月合其明。與四時合其序。與鬼神合其吉凶。先天而先弗違。後天而奉天時。天且弗違。而況於人乎。況於鬼神乎。

大人與天地日月四時鬼神合者。合乎道也。程

人與天地鬼神。本无二理。特蔽於有我之私。是以格於形體而不能相通。

大人无私。曾何彼此先後之可言哉。本義

以其勝乎事所未有。則曰先天。以其本乎理所原有。則曰後天。吳氏圖之

天不能違道。自不能違大人。大人未嘗違時。又何嘗違天。

亢之爲言也。知進而不知退。知存而不知亡。知得而不知喪。

時窮勢極。只有是非之當辨。更无利害之可計。有守義而凶。无違理而吉。

其唯聖人乎。知進退存亡。而不失其正者。其唯聖人乎。

明知其窮而不失其正。故曰與時偕極。

坤至柔而動也剛。

承天而動。不可屈悅。

至靜而德方。

陰德一定。无可游移。

後得主而有常。

夫爲妻之主。君爲臣之主。乾爲坤之主。妻從夫。臣從君。坤從乾者。常也有。常則有慶。所謂利也。

含萬物而化光。

一切腐臭汚濁。地无不內。變化而出。則芬芳鮮明。

坤道其順乎。承天而時行。

柔靜剛方。都歸一順。未嘗或先。未嘗或後。承天時。行已无與焉。

積善之家。必有餘慶。積不善之家。必有餘殃。臣弑其君。子弑其父。非一朝一夕之故。其所出來者漸矣。由辨之不早辨也。易曰。履霜。堅冰至。蓋言順也。

順謂不早辨。而馴致于此也。順乃陰德之常。而此以爲不善者。陰以從陽。爲順。自順其性。則反爲逆矣。此卦純陰。爲其嫌於无陽也。故以垂至戒。陰陽之義。以在人身者言之。則心之神明。陽也。五官百體。陰也。以人之倫類言之。則君也。父也。夫也。陽也。臣也。子也。妻也。陰也。心之神明。以身而運。君父之事。以臣子而行。夫之家。以婦而成。是皆天地之大義。豈可以相無也哉。然心曰大體。五官百骸則曰小體。君父與夫。謂之三綱而尊。臣子與

妻主于順從而卑。自其大小尊卑之辨。而順逆于此分。善惡于此生。吉凶
于此判矣。誠使在人身者。心官爲主。而百體從令。在人倫者。君父與夫之
道行。而臣子妻妾聽命焉。則陰乃與陽合德者。而何惡于陰哉。惟其耳目
四肢。各逞其欲。而不奉夫天官。臣子妻婦。各行其私。而不慕于君父。則陰
成至于干陽。而邪始足以害正。在一身。則爲理欲之交戰。而善惡所自起。
也在國家。則爲公私之迭乘。而治亂所由階也。故孔子文言以善惡之積。
君父臣子之漸。言之。意深切矣。然則所謂陽淑陰慝者。豈陰誠慝哉。順于
陽則無慝矣。所謂扶陽抑陰者。豈陰必抑哉。有以化之。斯不必抑之矣。此
爻所謂履霜。堅冰。其大指如此。推其源流。則堯舜禹危微之微。大學中庸
箴獨之戒。與夫春秋名分之防。莫不相爲表裏。六十四卦言陰陽之際。皆

精類云敬
以直內是
持守工夫
義以方外
是講學工
夫

當以是親之也。即中

直其正也。方其義也。君子敬以直內。義以方外。敬義立而
德不孤。直方大。不習無不利。則不疑其所行也。

體川全備。故曰不孤。不孤則大也。乾九二言誠言仁。坤六二言敬言義。誠
敬仁義之分如此。

乾陽實。坤陰虛。非實則不能虛。天理爲主。而後人欲退聽。非虛則不能實。
人欲屏息。然後天理流行。即中

乾坤之道。其超道乎。形象之先。而能爲形象主者。乾也。成象成形則坤也。
故三極之道。凡一面統者爲乾。衆而承者爲坤。尊而統者爲乾。卑而承者
爲坤。以神運者爲乾。以官行者爲坤。以知始者爲乾。以能終者爲坤。此乾

坤之大分也。故性以形踐。志以氣充。神以官行。知以能成。其于學也。以乾元而尊。以坤元而實。以乾知始。以坤作成。管觀中庸一書。原于天命。歸于天載。分明是乾學。而中間垂訓。本中本庸。本與本通。其情則喜怒哀樂。其人則子臣弟友。點點滴滴。從身心上實證。從倫常處實修。故易于乾二點。出庸言庸行。而中庸首贊至德。鮮能可見于聖真詮。乾坤合德而一以學。誨苦心。教人從坤元上。討出消息也。 附氏石岡

陰雖有美。含之以從王事。弗敢成也。地道也。妻道也。臣道也。地道下。无成而代有終也。

效法而終勞。昌力而辭功。

三五罔功。故皆贊美。二位內。故曰以時發。五位外。故曰發于事業。

天地變化草木蕃。天地閉賢人隱。易曰括囊无咎无譽。蓋
體言謹也。

草木蕃者。召南所謂朝廷既治庶類蕃殖是也。賢人隱者。洪範所謂百穀
川不成。俊民川微是也。京廬與氏

君子黃中通理。正位居體。美在其中。而暢於四支。發於事
業。美之至也。

黃中是內直。通理是外方正。位在中。是中。釋黃中。暢四支。發事業。是中。言
通理。二在內。故以德言。五位外。故以業言。

陰疑於陽必戰。爲其嫌於无陽也。故稱龍焉。猶未離其類
也。故稱血焉。夫玄黃者。天地之雜也。天玄而地黃。

月純坤而小陽存信應者其乾之職也乎。

匯詮

劉文龍體先訂

序卦

序卦非聖人所作即以卦之名義爲序亦不謂周禮漢家所說無妄之說讀矣

有天地然後萬物生焉。盈天地之間者唯萬物。故受之以屯。屯者盈也。屯者物之始生也。物生必蒙。故受之以蒙。蒙者蒙也。物之穉也。物穉不可不養也。故受之以需。需者飲食之道也。飲食必有訟。故受之以訟。訟必有衆起。故受之以師。師者衆也。衆必有所比。故受之以比。比者比也。比必有所畜。故受之以小畜。物畜然後有禮。故受之以履。履而泰然後安。故受之以泰。泰者通也。物不可以終通。故受之以否。物不可以終否。故受之以同人。與人同者。物必歸焉。

故受之以大有。有大者不可以盈。故受之以謙。有大而能謙必豫。故受之以豫。豫必有隨。故受之以隨。以喜隨人者必有事。故受之以蠱。蠱者事也。有事而後可大。故受之以臨。臨者大也。物大然後可觀。故受之以觀。可觀而後有所合。故受之以噬嗑。噬者合也。物不可以苟合而已。故受之以賁。賁者飾也。致飾然後亨則盡矣。故受之以剝。剝者剝也。物不可以終盡。剝窮上反下。故受之以復。復則不妄矣。故受之以无妄。有无妄然後可畜。故受之以大畜。物畜然後可養。彼受之以頤。頤者養也。不養則不可動。故受之以大過。物不可以終過。故受之以坎。坎者陷也。陷必有所麗。

故受之以離。離者麗也。

有天地然後有萬物。有萬物然後有男女。有男女然後有夫婦。有夫婦然後有父子。有父子然後有君臣。有君臣然後有上下。有上下然後禮義有所錯。夫婦之道不可以不久也。故受之以恆。恆者久也。物不可以久居其所。故受之以遯。遯者退也。物不可以終遯。故受之以大壯。物不可以終壯。故受之以晉。晉者進也。進必有所傷。故受之以明夷。夷者傷也。傷於外者必反其家。故受之以家人。家道窮必乖。故受之以睽。睽者乖也。乖必有難。故受之以蹇。蹇者難也。物不可以終難。故受之以解。解者緩也。緩必有所失。故

受之以損損而不已必益故受之以益益而不已必決故
受之以決決者決也決必有所遇故受之以姤姤者遇也
物相遇而後聚故受之以萃萃者聚也聚而上者謂之升
故受之以升升而不已必困故受之以困困乎上者必反
下故受之以井井道不可不革故受之以革革物者莫若
鼎故受之以鼎主器者莫若長子故受之以震震者動也
物不可以終動止之故受之以艮艮者止也物不可以終
止故受之以漸漸者進也進必有所歸故受之以歸妹得
其所歸者必大故受之以豐豐者大也窮大者必失其居
故受之以旅旅而无所容故受之以巽巽者入也入而後

說之。故受之以兌。兌者說也。說而後散之。故受之以渙。渙者離也。物不可以終離。故受之以節。節而信之。故受之以中孚。有其信者必行之。故受之以小過。有過物者必濟。故受之以既濟。物不可窮也。故受之以未濟終焉。

韓康伯孔穎達謂序卦所明非易之蘊。若如夫子所言。則不應非覆卽變。朱子以爲謂非聖人之精。則可謂非易之蘊。則不可。折中云。卦之所以序者。必自有故。而孔子以義次之。如孔氏朱子之言皆是也。歐陽公程沙隨則直以爲非孔子之書。千載紛紛。迄無定論。今取漢中蕭氏之圖。參之邵子諸儒之說。詳註于後。庶折中所謂必自有故者。可得而明。而聖人之蘊。卦皆反對義。亦附著。歐陽謂序卦非孔子之書者。亦可免于後人之詆訾。

也。

乾坤




乾乾坤坤

始

屯蒙

需訟



坎震艮坎
坎乾乾坎

中男川事


師比

小履

泰否

同人

大有



坤乾乾坤
乾離離乾
坤艮震坤

坤北

父母川事

乾南

隨

臨


噬
賁

剝
復

无
妄

頤
過大

離



兌震艮巽

坤兌巽坤

離震艮離

艮坤坤震

乾震艮乾

艮震兌巽

坎坎離離


坤南

長少二男用事

乾北

中

咸恆 遯大 晉明 夷 家人 睽 蹇解 損益 夬姤 萃升 困井



兌乾乾巽	兌坤坤巽	兌坎坎巽
兌艮震巽	兌離離兌	兌坎震坎
兌離離兌	兌離離兌	兌離離兌
兌離離兌	兌離離兌	兌離離兌

中女用事

長少二女用事

革鼎



震艮

漸歸妹


豐旅

巽兌

渙節

中過

既濟未濟



兌離離巽

震震艮艮

巽艮震兌

震離離艮

巽巽兌兌

巽坎坎兌

巽兌震艮

坎離離坎

終

易之首于乾坤。中于坎離。終于水火之交不交。皆至理也。又曰。乾坤天地之本。離坎天地之用。是以易始于乾坤。中于坎離。終于既未濟。而否泰爲上經之中。咸恒爲下經之首。皆言乎其用也。康

上篇首乾坤。終坎離。下篇始咸恒。終既未濟。所謂天地定位。山澤通氣。雷風相薄。水火不相射也。上篇首一節。屯蒙需訟。乾統三男于東北。下篇首一節。晉明夷家人睽。坤統三女于西南也。

按繫辭云。二篇之策。萬有一千五百二十。所謂二篇則上下二篇也。近世趙氏編古周易。乃合而爲一。且謂後人妄有上下經之辨。何其考之不詳哉。康

按趙氏以進。謂古者竹簡重大。以經爲二篇。本義從之。然經分上下誠有

至理。上下經雖有三十卦。三十四卦之不同。以反對計之。各十八卦。一也。
上經反對五十二陽爻五十六陰爻。下經反對五十六陽爻五十二陰爻。
二也。上經以四正卦爲主。首乾坤而終坎離。與先天圖四方卦合。下經以
二變卦爲主。首咸恒而終既未濟。與先天圖四維卦合。而坎離之交不交。
亦可見。伏義先天一圖大旨。備見于文王序卦首尾中三也。若是者。豈以
竹簡重大之故耶。雙湖胡氏

上經

上經三十卦之象之序。合而言之。所謂易之陽體。乾坤坎離爲主者是也。
分而言之。乾坤坎離。雖均之爲主。然乾坤君也。坎離臣也。就乾坤言之。乾
陽也。坤陰也。又就坎離言之。坎陽也。離陰也。陽體之中。又有陰陽之分焉。

前爲陽中之陽。後爲陽中之陰。故乾坤坎離。或用事於前。或用事於後也。

蘇和周氏漢中

乾坤

乾與坤爲一對。乾爲主。坤從乾也。以易經卦次而觀。則乾一坤二屯三。但見爲乾先坤後。不見爲乾上坤下。惟以兩卦爲對而觀。則是乾之六畫在上。坤之六畫在下。乾爲主。坤從乾。其義始明。大傳曰。天尊地卑。乾坤定矣。定于乾上坤下之對。非定于乾卦坤卦也。又曰。垂衣裳而天下治。蓋取諸乾坤。取于乾上坤下之對。非取于乾卦坤卦也。又上卦爲外。下卦爲內。乾上坤下。天包地外也。故觀象于對。聖人之法也。

周氏

上乾六畫。天包地外。有上下四方。故其形圓。下坤十二畫。應十有二州。故

其形方。朱村林氏

記曰吾得坤乾焉。又曰坤乾之義可見。又而之易。雖所序次不同。要亦以反對相從矣。

屯蒙需訟

乾坤之後。受之以屯蒙需訟者。坎用事也。乾坤開闢之初。如歲之春。如日之旦。陽德方興。而羣陰蟄伏。唐氏

合四卦兩對之象觀之。乾父爲主于內。長少二男。贊助于中。而坎獨專致用于外也。

師比小畜履泰否同人大有謙豫

上經中一節。乾坤交而別生六子之象也。以剛柔言。泰否居中一對。乾陽

在內。坤陰在外。分四對。小畜履同。人大有之。乾居內。師比謙豫之。坤居外。有內陽外陰。內健外順之象。以男女言。師比謙豫之三男居外。小畜履同。人大有之三女居內。有女正位乎內。男正位乎外之象。合十卦五對六十。畫觀之。奇偶各半。陰陽平也。

三男之卦。師比之。坎居前。所以承上一節屯蒙需訟之後。謙豫之。艮處居後。所以開末一節噬嗑賁剝復之先也。

隨蠱臨觀噬嗑賁剝復无妄大畜頤大過

合噬嗑賁剝復四卦兩對之象觀之。長少二男川事。坤爲主。離參焉。又次臨觀无妄大畜兩對。坤連兌巽于南而爲主。乾合震艮于北而爲從。又次隨蠱頤大過兩對。震艮巽兌。客自爲卦。上經之末。陽中之陰也。

坎離

文王序卦。以乾坤坎離居上經。乾坤者。陰陽之純。坎離者。陰陽之中。不若震巽艮兌爲陰陽之偏也。以六十四卦之序觀之。乾坤居六十四卦之首。坎離居六十四卦之中。蓋坎離爲天地心。造化之本。坎藏天之陽。中受明爲月。離麗地之陰。中含明爲日。坎爲水而司寒。離爲火而司暑。坎爲月而司夜。離爲日而司晝。水火日月之用。寒暑晝夜之運。天地造化之妙。孰有出于此哉。陳山李氏

坎離天地之中也。坎居正北。于時爲子。爲夜之中。離居正南。于時爲午。爲日之中。一陽生于夜中。一陰生于日中。陳山李氏

下經

下經首咸恆。兌艮震巽也。終既未。坎離也。蓋始乎山澤通氣。雷風相薄。終爲水火不相射。六子交也。上經父母交。六子至下經始交。上經乾坤之交居中。而六子交于下經前與後者。猶父母居室。處堂上之正中。而六子夫婦對列乎堂之左右。有尊卑自然之法象焉。■氏

咸恆。遯大壯。晉明夷。家人。睽。蹇。解。損。益。

合晉明夷家人睽兩對論之。坤統三女。居遯大壯蹇解之中。坤爲主。離用事也。合遯大壯一對。與蹇解一對論之。乾坎居艮震之外。內陰外陽。內柔外剛。坤統三女居中而爲主。乾統三男處外而爲輔也。合咸恆一對。與損益一對論之。咸恆則兌巽包艮震以唱。損益則震艮包兌巽以和也。

中女川事于下篇之始。對中男川事于上篇之始也。

夫姤萃升困井革鼎

合夫姤萃升困井革鼎。八卦四對之象觀之。長少二女。合乾坤坎離之四象。用事于下篇之中也。

兌巽爲下經之主。猶乾坤爲上經之主。自體而觀。上經乾坤之體十二。坎八。震艮七。離六。兌巽四。乾坤最尊也。下經兌巽之體十二。離十。艮震九。坎八。乾坤四。兌巽最貴也。自卦位而觀。乾居南之正中。兌巽居兩旁。二體相比。皆有上方。及泰否既交。則坤南乾北。兌巽與坤聯于上方。他體莫得與焉。此下經中一節之卦象。所以有兌巽而無震艮也。然上經乾坤最尊。而乾又尊于坤。下經兌巽最貴。而兌又貴于巽。何也。太陽一象。加一奇而爲乾。加一偶而爲兌。乾一兌二。竝立于太陽一象之上。此兌乾所以能相視。

六對十二
卦二十四
體震艮巽
兌各五為
二十坎離
各二為四
六十之卦
全也
震當四十
九艮當五
十合大衍
需川之數
震艮巽
止也上篇

為政體一居二篇六十四卦之首而為之主。一居下經六十八體之先而為之首也。 虞氏

震艮漸歸妹豐旅巽兌渙節中孚小過

下經之下一節。震艮巽兌。四主卦具焉。不居下經之前而居後者。下經之初。陰中之陽。動也。用也。下經之末。陰中之陰。靜也。體也。體立于內。而川行於外也。合十二卦而竝論之。則先震艮。後巽兌。分陰分陽。各自為對。此震艮巽兌之分體也。漸歸妹中孚小過四卦。陰與陽合而成一卦。此震艮巽兌之合體也。至豐旅渙節四卦。又震艮巽兌之互體也。皆體也。而非川也。靜也。而非動也。 虞氏

頤中孚皆離大小過皆坎上篇終大過下篇終小過二篇皆以坎為終也。

既下屯之

設下篇止

艮

既濟未濟

上篇自乾坤終坎離。下篇首咸恆終既濟未濟。亦坎離也。天地之道。不過於陰陽。九行之用。莫先于水火。上篇首天地陰陽之正也。故以水火之正終焉。下篇首夫婦陰陽之交也。故以水火之交終焉。西漢李氏

後天以坎離居先天乾坤之位。故上經首乾坤終坎離。下經亦以坎離之交不交終焉。坎陽而離陰。坎先而離後。上經乾坤之後。坎上坎下凡六卦。下經亦以坎上坎下終焉。西漢李氏

乾上坤下。離東坎西。此先天之易。天地日月之四象也。故居上經之始終。以立造化之體。山澤通氣。雷風不相悖。水火相逮。此後天之易。六子之用也。故居下經之始終。以致造化之用。西漢李氏

以一歲論上經猶春夏下經猶秋冬上經之初坎震川事春之象也上經之末離火川事夏之象也下經之初兌澤川事秋之象也下經之末坎水川事冬之象也

上經陽體終之以離陽極而一陰生也下經陰體終之以坎陰極而一陽生也陽極陰生上經所以轉而下經陰極陽生下經豈不可復轉而爲上經乎此坎之一體聖人亦屬意于屯之上體矣故上下經之卦序當循環觀象而易本一經也

匪詮

劉文龍體先訂

雜卦

乾剛坤柔。比樂師憂。臨觀之義。或與或求。屯見而不失其
居。蒙雜而著。震起也。艮止也。損益盛衰之始也。大畜時也。
无妄災也。萃聚而升不來也。謙輕而豫忘也。噬嗑食也。賁
无色也。兌見而巽伏也。隨无故也。蠱則飭也。剝爛也。復反
也。晉晝也。明夷誅也。井通而困相遇也。咸速也。恆久也。渙
離也。節止也。解緩也。蹇難也。睽外也。家人內也。否泰反其
類也。大壯則止。遯則退也。大有衆也。同人親也。革去故也。
鼎取新也。小過過也。中孚信也。豐多故。親寡旅也。離上而

坎下也。小畜。寡也。履。不處也。需。不進也。訟。不親也。大過。顛也。姤。遇也。柔遇剛也。漸。女歸待男行也。頤。養正也。既濟。定也。歸妹。女之終也。未濟。男之窮也。夫。決也。剛決柔也。君子道長。小人道憂也。

按春秋傳釋繫辭。所謂屯固比入。坤震殺之屬。以一字斷卦義。往往古策書多有之。雜卦此類是也。夫子存之爲經羽翼。非私作也。程氏觀復

雜卦之義。比序卦爲優。但其所以雜之之故。與其所以用之之方。終未能詳。先儒有以爲互卦者。折中已詳推之。愚嘗以陳法推配。亦未盡協。姑闕以俟知者。

本義謂自大過以下。或疑其錯簡。以韻協之。又似非誤。愚竊以爲雜物撰

德非其中爻不備。此蓋指中四爻互體而言也。先天圖之左互復頤既濟家人歸妹睽大乾八卦。右互姤大過未濟解漸姤剝坤八卦。此則於右取姤大過未濟漸四卦。於左取頤既濟歸妹大四卦。各舉其半。可兼其餘矣。始於乾終於大。大之一陰。決盡則爲乾也。要卦精義

此八卦獨錯綜而不反對者。以見卦之有互。不獨中四爻可互。六爻循環。皆可互也。卦卦皆然。獨舉大過一卦者。中四爻以陽居之。惟大過一卦。且自初爻起。而正卦左旋。互卦右轉。恰如於姤終於大。而乾得易道用陰而作陽之意也。傳文無乾者。乾在篇首。大盡則爲純乾。首尾相生之義也。既未濟不在互卦之內。故以義附於此。折中

古易滙詮梅生本生六世祖平埜府君所著也先世以文學顯積書萬卷府君初從邑王孝廉世仁遊後薄舉業不事帖括獨執經反復肄習已則危坐嘿息若不知所爲者孝廉宦遊歸省其業稱爲畏友與邑雷翠庭副憲友善有疑難輒往復辨論雷公以滙詮質之荆溪任鈞台先生任固深於易者喜其脫然

訓詁外別具神契樂爲之序周力堂學使視
學於閩見府君所著書道經其廬過訪邑令
李和贈以楹對云獨開手眼傳經學別有文
章註子書其爲當道推重如此先大夫秋圃
府君嘗詔梅生曰余少時聞族中耆舊言平
楚府君爲經學碩儒比長繙譜牒見雷副憲
所撰府君傳王孝廉所作墓誌銘得知著書

篇目今手澤蕩佚莫覩成書深以爲憾宜加
意採訪焉生受命揅求不遺餘力有戚自中
鄭來謂有留存是書者因急馳詢喜見先人
手澤以重資購回什襲楹書不敢失墜其中
薈萃精液丁南溟先生已詳言之而分篇之
例更彖上下曰釋彖上下象上下曰釋爻上
下大象爲一篇曰象辭合上下繫爲一篇曰

大傳則先人獨於呂鼂諸公本外窺見古經也篇首脫簡仍存其闕以俟後至王孝廉墓誌中所云大學摘要四書質疑太極說通書註莊子齊物論養生主篇板皆殘缺過半又有中庸餘論洛書說性理偶評毛詩參註春秋論說尙書質疑并雜著若干卷並佚亡存宣統二年八月裔孫梅生謹識

是書爲先祖先嚴兩世精神所注摻求而
得時因家貧無力付梓前清宣統間閩侯
林贊虞師掌樞府擬爲進呈又值國變不
果先嚴臨終尙引以爲憾命當亟謀刊布
以慰先人今又越十餘年小子無狀不克
負荷而世局滄桑日亟不已大懼孤本缺
佚敬先用活板印刷若干部他日當再謀

壽諸梨棗以廣流傳民國九年九月本生

七世孫映奎謹注

古易圖說勘誤表

第幾卷	第幾頁	第幾行	第幾字	誤	正
一	凡例二十一	九	无		无
一	圖二	外四內方圖		全圖倒置	應上下反印
一	上篇一	兩卦交互處 眉評十一		无首吉三字為 句下誤連程傳	應離開
一	六	十六	五	祐	祐
一	十二	二	大過下卦	三	三
一	十九	十	十七	蹢	蹢 <small>從十 後同</small>
一	二十	十六	九	蔡	蔡 <small>後同</small>
一	二十一	眉評七	二三	鄭舊	舊鄭

一	六十	十五	二十二	位	仁
一	七十三	七	三	書	畫
二	二	<small>眉野轉面十一</small>	三	畫	畫
二	五	十二	二十	<small>石潤俞氏下眼連</small>	<small>貞在處後應提起</small>
二	十一	一	二十四	眼	脈
二	三十三	十六	十五	曲	屈
二	四十八	五	一	空白	无
二	五十二	<small>眉野轉面一</small>	二	亡	日
二	六十一	五	三四	厲之	之厲
二	六十七	二十	一	隨	頤

三	三	三	三	三	三	三	三	二	二
四十八	四十八	三十三	三十三	二十七	十八	十	八	七十三	七十三
一	一	九	七	十三	十九	眉評轉面四	三	十七	十六
二十七	七	九	二十一	十	二十五	二		六	六
源文	用	董	啟	住	崇	一		經	特
文源	周	董	咎	往	崇	上	原本經九國眉評有 否方有切一四字	經	持

三	三	三	三	三	三	三	三	三	三
五十	五十七	六十三	六十八	六十九	七十二	七十七	七十九	十一	十七
三	二	六	一	十五	八	十四	八	五	二
十八	七	十八	三	六	十三	二	二十八	一	十六
一	飽	日	直	機	磋	正	異	焚	兵
二	飽	日	眞	机	嗟	止	當	變	矣

四	四	四	四	四	四	四	四	四	四
四十	四十	四十	三十九	三十九	三十八	三十五	三十三	三十二	三十
轉面剝木上 眉評	十五	十五	二十	十九	二	十五	十四	圖	四
	四	三	一	十九	二	二十八	一	外圍下左右 畫連	二三
	析	繫	耘	耜	空白	空白	雖		之謂
原本有（以辨不為下 從古本刪致難以辨不 下六字二十七字	析	擊	耘	耜	象	象	惟	原本外圍下左右畫 中斷	謂之

四	四	四	四	四	四	四	四	四
五十七	五十六	五十五	五十三	五十三	五十二	四十八	四十五	四十
十	五	十六	<small>轉面六位成 章上眉評</small>		眉評四	十四	十三	十八
十三	二十七	六		五	二	十九	十五	九
馬	其	白		圖	泊	職	空白	日
鼻	而	日	<small>原本有一六位只是 六處以乘兩為九六 有非是二十五字</small>		圓	汨	識	日
							<small>解是滿央單內二字 通下行機顯不顯</small>	耜

四	四	四	四	四	四	四	四	四	四
六十八	六十八	六十七	六十六	六十五	六十三	六十	五十七	五十七	五十七
十二	八	十八	二	九	三	轉而文王八卦方位	二十	二十	十二
一	四	七	八	十一	十六		二十八	十六	六
衍一體字	衍一下字	衍一道字	撓	先	誠	倒置間有未倒置者	簪	男	際
應刪去	應刪去	應刪去	撓	天	誠	離上坎下	潛	長	陰

陽與陰

一

一

					四	七十	十九	四	彼	故
					四	七十三	七	一	同人大有	同人大有
					四	七十三	圖上末行	一	空白	坎
					四	七十五	十	二	龜	龜
					四	八十一	十五	十四	坤字下漏一字	安